

# SANTIAGO CUEGABE

## La Carta de Santiago

---

### Ráidozitinomo Santiago cuete

**1** <sup>1</sup>Cue Santiágodicue. Juzíñamui táijitagamedicue. Daje izói cai Ocuíraima Jesucristo táijitagamedicue. Israel náiraimona doce dígazie nana éniado ráidozitinona uáidotícue.

### Juzíñamuimona oga onónafue

<sup>2</sup>Cue ámatiai cácarei, ñie facátafuiai ómoimo júriadi iere caimare omoi iri. <sup>3</sup>Mei jii omoi ínuafue facátaficaiadi áfedo baímo comécina járidoñenafuena onótalliomoi. Mei áfena onódiomoi. <sup>4</sup>Afe comécina járidoñenafue ñue jeire omoi móonaitari. Afedo jaícina jéetagamacina íitiomoi; omoi jitáillifuena íñeite.

<sup>5</sup>Omoimona dáamie figo onóñenia, Juzíñamuimona onónafue mai o jicari. Iemona Juzíñamui áfena afémiemo fécaite, mei jii Juzíñamui jeruíñeno nágamiiaimo onóillifuena fecáfiredede. Afémie icíriñeno comínimo fecáfiredede. <sup>6</sup>Mei íadi ínuafuedo o jicari. Daií jitáiredede; minícana o comeci anado ígicaiñeno jicari. Naga uaina ígiciredimie jorai bagua izói jairífodo dóbaidobaicaide. <sup>7</sup>Daiítadimie Ocuíraimamona minícana óllena comécimo facáñeno iri. <sup>8</sup>Aféfuena onóigaza. Níimie birui bie raa óiacade, uire jiáiena óiacade, ñue jaícina macánide.

<sup>9</sup>iRáanide ama, caimare o iri! Juzíñamui caifófenemo ona jónelle jira. <sup>10</sup>Ráaredimie, o anáfeficaiadi, áfena náfueñeno caimare o iri. Mei ráaredino ráitie záfia izóideza. Afe záfia are íñeite. <sup>11</sup>Jitoma bíllamona íena iere llirítaite. Caigáillamona afe záfia ana júide. Daií ie ebírenano fuite. Daje izói ráaredimie ie nícidocaigafuiai cígiri táinocaite.

### Facátafuiai fiénidemo baiítafuiai diga

<sup>12</sup>Dáamie facátafuiai járitañoeno llíinoiadi afémie caimare ite. Facátafuemona ñue oni jaillano ícoinia fia iga raa jirídoite, ñue

facátaoicailla jira. Afe ícoinia fia iga raa ñuicirai izóidifue. Afe iga raa ua Juzíñamui ie illa zíñona cáataitnona. Ua Juzíñamuina izíruitnomo uícodo lloga zíñona cáataitnona íaioimo fécaite. <sup>13</sup>Dámie íaifuemo baíítafuenta cacáadi, afe Juzíñamui orécaza comécina facáñeno o iri, mei jira afe daiítadifue Juzíñamui jaca jitáñede. Daje izói Juzíñamui bumó afe íaifuemo baíítafuenta comuítañede. <sup>14</sup>Mei afefue jíáfodo bite. Dámie dama ie comeci fiene jítainafuiaido comeci óiadi, áfedo íaifuemo báíite. Afe izói dámie ie fiene jítainafuiaido jífueficailla; íemo afe jífuiafuedo afémie meine íaifuemo báíite. <sup>15</sup>Afe bie comeci fiénino jítainafuiaimona íaífue comuide. Ie mei afe íaífue jae oruíbicaillamona tíllafue comuide. <sup>16</sup>Cue izíruiga ámatiaí jífuefizaíñeno iri. <sup>17</sup>Nana ñuera caímo iga raa, nana caímo jaícina jóobidífuaí dígá, caífona Juzíñamuimona bite. Afémie nana monamo ite egáíñotínona finode. Juzíñamui jaca dámie; afémie jíaífodo meídogafuenta íñede. <sup>18</sup>Afémie uáfuenta úrilla uaido cáatatinona caína comuíate. Afena finode ie finócafuaíimona como fueñe oga llízie izói caí íllena; mei ie comeci jítaina izói finode.

#### Uáfuenta Juzíñamuimo caí comécinafue

<sup>19</sup>Ie jira izíruiga ámatiaí cacái. Omoimona nágamiaí jaca jefo jinéoiri, mei íadi fíaicana o úriri, daje izói fíaicana rícaíari. <sup>20</sup>Mei jíí, rícaídímie Juzíñamuina íóbítañede. <sup>21</sup>Mei daíí nana íáiredífuaí omoí fáicanocairi, jamánomo móonaioicaide fiénidífuaí dígá. Omoí comécimo lloga uai Juzíñamui úrilla uaina comeci mánainafuedo jeire omoí óiri. Mei jíí afe úrillauai ríñorede omoí joreño jíllloíllena.

<sup>22</sup>Jira úrillauai ómoímo lloga ráfuenta fino. Fia aféfuemo táinona cacáreíñeno. Fia táinona omoí cacáadi dani abí jífueitíomoi. <sup>23</sup>Afe úrillafue fia táinona cacádimie aféfuena iere cácañenia, afémie acáranimo uíeco ciona izóidímie. <sup>24</sup>Afémie ie izóidena cíode, mei íadi raíre jaílla llezica, ie izóidena féítate. <sup>25</sup>Cacánafuenta féítañedímie jamánomo ñuera ocuícafuenta jeire ófírede. Afe jamánomo ñuera ocuícafue caímo rairuíñenafuenta itátaga. Aféfuemo méidoñeno afémie íoide. Afe ocuícafue afémie íñota finode. Daíí finódimie nana ie finócafuaíaido caímare ite.

<sup>26</sup>Dámie Juzíñamuimo comécidímie comeci facáoiadi, mei íadi fuena rairuíñeno úriadi, afémie dama abí jífue. Afémie comécinafue táíñobicaide. <sup>27</sup>Ñífuenide comécinafue, Moo Juzíñamuimo eróicana íáínidífue bie izói ite; ñue Juzíñamuimo comécidímie móonidizaíai íemo éinidizaíai dígá, íaíoína duéruíllano canófírede. Daje izói fecínguaina íaíoí duéruíllano canófírede. Afe llezica éniemo ite Juzíñamuina éoidímaci íaífuaíaido ñüemie abína íaidoñede.

#### Conímana énenoruíñeno iri

**2** <sup>1</sup>Cue ámatiaí, caí ebíruigamie Ocuíraíma Jesucrístomo íñotímacííomoi. Daíí omoí íñua llezica comínimona dáarie

enénotañeno iri. <sup>2,3</sup> Acatagafuedo dáititue: Omoi gairíllanomo queníredena onoi icuiforedimie, ráifide inícuero jítáoidimie bíadi, afémiena daiífirediomoi: “Bie ñúenomo ráii.” Mei íadi afe llezica dúeredimie tíbaizarodo bíadi, afémiena jíáifodo llínota nibai dáitio: “Batí naidai,” o nibai dáitio: “Ana benó éniemo ráii.” Daií ráanaitimiena raire ñue llínotiomi, mei íadi dúeredimie buna náfueñega. <sup>4</sup> Ie jira daií dani ómoimona dáarie énenoruidiomoi. Daií cómemo jicánotimiena dani omoi abi maméidiomi, mei íadi fiénidemo coméiinafuedo abi maméidiomi.

<sup>5</sup> Cue izíruiga ámatiai, bíemo omoi cácarei. Bie éniemo úcubenidinona Juzínamui nize, íaioi ínuafue jamánomo jebuíllena. Daa afe izói íaioina Juzínamui nize, feci raa izói ie illáimana illáruina maiñóllena. Juzínamui ie uícodo lloga uai daina izói afe illáimainanona fena izíruitimacimo fécaite. <sup>6</sup> Mei íadi dúeredimacina meáidaitadiomi. ¿Uáfueñede, ráaredimaci ómoina llégitafirediaioi? Jii, uafue. ¿Ríiredimaci uícomo ómoina gugúrioicana uitíaiioi? Jii, uitíaiioi. <sup>7</sup> ¿Niie afe ráanaitimaci Crístona íáruioidino? Jii, nímaci. Mei íadi afémie ñue izíruiga mámecido Cristo iéidiomi.

<sup>8</sup> Cugáuaimona lloga jamánomo ocuífue omoi jíruiadi ñue finóidiomi. Afefue daide: “O aino cómena izíruiri, dama o abina o izíruilla izói.” <sup>9</sup> Mei íadi confímana dámie omoi énenoruia, íaifue mo baiíidiomi. Juzínamui ocuífue omoi ícoinia jae daií ite. <sup>10</sup> Dáamie naga ocuífue iere cacáadi, mei íadi dáallegoi ocuífue nai fuitáñeniadi dama afémie ícoinia daií ite. Uafue nana ocuífue fuitáñedimie zefuille izói dáallegoi fuitáñedimie daií daje izói zéfuite. <sup>11</sup> Mei daje Juzínamui daide: “Jíruíreño iri,” afémie dáanomo daide: “Cómena titáñeno iri.” Daa come jíruireñenia mei íadi cómena fáyadi, jae ocuífue iere cacáñede. <sup>12</sup> Jira ñue o úriri; o illafue jaícina o jóoneri. Cai mo rairuíñenafue itátaite ocuífue jicánollícaí, ie jira ñue cai íllana jítáirede. <sup>13</sup> Mei jii, nana jíáimacina duéruíñedino, afe íbana duéruíñeno, jicánollícaioi. Mei íadi jíáimacina duéruitino nie izói nábaiñegaza ñue jáite, duéruíllafue jicánollífue baímo ñue illa jírari.

### Ínuafue níciduafue diga jítáirede

<sup>14</sup> Cue ámatiai cacai. Dáamie ñúefuena finóñeniadi, mei íadi “Ínotitue” daiíadi ¿níífue ñuera? ¡Afe ñúeñeite! ¿Afe daina ínuafue jíllotaite? Jíllotañeite. <sup>15</sup> Acatagafuedo dáititue. Ínicuironide güíllende ama miringo izóidino omoi cígimo íadi, <sup>16</sup> mei íadi ómoimona dáamie fia uaido daiíadi: “Ñue o iri. Rólliemona jíforiri. Mai güiri,” mei íadi aféruimo ie abímo jitaica raa o fecáñeniadi, ¿nie izói ñue ite? ¡Ñúeñeite! <sup>17</sup> Cai ínuafue daje izói ite. Dáamie ie ínuafue níciduafue ácatañenia afe ínuafue jae ñine táinocaide, afe ie ínuafue nabáinina jírari.

18 Mei nibai, dáamie cuena dáaiite: “Ínuafue omo ite mei íadi cue nícidofiredicue.” Mei jira cue uai óiticue: ¡O ñue níciduafue eneno o ínuafuena cuemo ácatari! Afe llezica cue ínuafuena cue ñue níciduafuedo omo cótaiticue. 19 Daade Juzíñamui íllana ínotio. Afe dinomo o ínuafue ñue baite. Mei íadi aféfuena fiénide janábaiai daje izói ínotiaioi. Iemona afe jácieri cuidíridiaioi. 20 Abina onóñedimiedío. ¿Jaícina jáidifuenta onóacañedio? Dáanomo dáaiticue: Ñue níciduafuedo cótañega ínuafue jaca nine táinocaide. 21 Cai jaiáigima ímie Abrahana ie íáifuenidímie izóinado Juzíñamui ñue íena jíeruite. Ua Juzíñamui íáifuenidimiena íena ñue llínote. Mei ie jító Isaac titada Juzíñamui fecaca raana izói fecácana jira, daí íena llínote. 22 Jira Abraham ínuafuemo bie uáfuenta ciódío. Abraham ie níciduafuedo ie ínuafuena ñue jino cótate. Daje llezica afe bie níciduafuedo ie ínuafue ñue jaícina mónaioicaide. 23 Daí Cuegáuai dánana ñue fuitade. Aféuai daide: “Abraham Juzíñamui ínote. Ie jira Juzíñamui íemo comeci facade: Afémie cuemo ínuafue ñue baite íena íáifuenidimiena cue llíñollena, —daide.” Mei Abraham Juzíñamui nabaina mamécamie.

24 Mei áfemona come níciduafuedo Juzíñamui íena íáifuenidimiena llínuafuena ónoitiomoi; dama ie ínuafuemonna llíñoñedeza. 25 Afe bifue izói Rahábamo daí íficaide. Afengo jirufredingo. Mei íadi énie fidítaraini caimare llínuamona, íaioina canode oni jáígodo ñue íaioi jáillena. Afe íaioimo nícidua jira Juzíñamui aféngona íáifuenidíngona izói ñue llínote. 26 Mei daí omoi ónoigafuemonna llóiticue. Naga joréñonide abi tíide, afe izói níciduafuedo nabáinide ínuafue nine táinocaide.

### Cai fue rafue

**3** 1 Cue ámatiai cacai. Omoimona aillo llófueraimana íacadino izói iñeno omoi iri. Mei jii, nana llófueridino, cue izóidino baimo izire jicánollícaí. Afena onódiomoi. 2 Nana cai aillo fiénidillegoi finódicaí. Dáamie minícana fiénidillegoi ie daínáfueimo iñeniadi, afémie ñue comécina fígomie, ñue jaícinaidímie. Afémie nana ie abi rairuíllana onode. 3 Moziñoragai caballo fuemo cai jóoneadi caina iere íaioi íñollena, ie ifo oni datállena finóredicaí. Afemona nana ie abi diga dájade. 4 Daje izói áillue jofóredicaemo comeci omoi faca. Afecae jamánomo áillue íadi, afe llezica rírede jairífodo ñuitáicaide. Mei íadi datáraima duera jiza datárabeñodo ie jáiacana diné datáicaide. 5 Afe izói cai fue ite. Cai abi aillona mei íadi fue duera. Mei íadi afe fueo jamánomo áillue ráfuiái finórede. Uafue duera jiza réicimona áillue icáiena bóotate. 6 Jae come fue irai izoide. Afe fuemo jamánomo facádonide íaifuiái ite. Afe bie fue Juzíñamui cai abímo finoca; mei íadi afe fue nana cai abina íaire finode. Fieni comini duere finóllirai ite; afe iráimona uneca izói cai fuemo fieni úrioidino ite. Iemona nana

cai caana llezica finótagafuiai bóobicaide. 7Ímado nana riire rílleniai tóirede, féedino, jaióniari, naa buináizairi. Nana áfeniai fibítagaiaioi. 8Mei íadi fuena buna fibítanide. Cai fuedo bite iáirede raana jaca buna llícaitanide. Aillo fieni úritadino, titade juia izói cai fuemo ite. 9Afe daje fuedo cai Moo Juzíñamuimo caimátaioidicai; ie llezica Juzíñamui finoca cómena faidódicai. Uafue Juzíñamui dama ie eroille izói cómena finode. 10Daje fuedo caimátaillafue jino bite faidórillaufuiai diga. Cue ámatiai, cacai. Bifue izói omoi iñeno iri. 11¿Daje jainoi ifómona toráfomona ñúeji erírediji diga jino tórede? ¡Tónide! 12Cue ámatiai, cacai. ¿Noménamona comáijina órede? ¡Onide! ¿Jíriconamo cineci llizírede, meita áfena? ¡Llízínide! Afe daje izói cúerediji naimérediji diga daje jainoi ifómona toráfomona jaca jino tónide. (Ie jira omoi fue rairuiri, fieni úrillafue o fuedo jino bíñeillena. Mei jira Juzíñamui imácidioi.)

### Uáfuenta ñue onónafue

13Omoimo dáamie onódimie, ñue baitádimie íadi, afe ie onóigafue nágarui ñue ie illáfuedo ácatari. Ua ie fibíllafuedo fecaca comeci mánainafuemo ie finócafuiiai cótari. 14Mei íadi omoi comécimo izire úradoillafue íadi, afe llezica omoi finoca ráfuiaina járidotiomi; bie omoi fibilla abi ñnuafuemo coméciñeno omoi iri. Afe izóidífuiiai táinofuiai, uáfuenta jáanote. 15Afe izoide fibíllafue Juzíñamuimona biñede, mei íadi afe fibíllafue bínie comini comeci úrillafue; Juzíñamuina éoidimaci onóigafue; dama Taife ifue. 16Aillo úradoillafue, jarire uícodo máíñuafue diga illánomo, afénomo aillo júdaizitífue ite naa fiénidífuiairi. 17Mei íadi Juzíñamuimona fibíllafue otímaci nano fueñe nífuenino macádiaioi. Ie mei afémaci mánaidimaci; ríífuedo ocuñediaioi; jiáimiemo uícodo coméciitadiaioi. Afémaci dúecaillafuenta oruídino; ñúefuenta finófirediaioi. Afémaci uáfodo úritimaci; jífueriñediaioi. 18Comeci ñue uái illáfueemo comútatino afefue rigájiai izói comínido fecádiaioi. Afemona ria llizilla izoide comeci jaícina ñúeitaitino llínotiaioi.

### Eniemo ite Juzíñamuina éoidimacimo nabáirillafue

**4** 1Omoimo ite fuiríllafuiai ¿ninena bite, júfuduafuiai diga? Omoi fieni comeci óiacanafuiaimona bite. Aféfuiai omoi comécina jaca éoitade. 2Omoi daa raana jitáiadí, áfena ómoimo llínonina jira fatómoí. Jiáie raamo omoi úradoiadi áfena ónidiomi, jira fuiríllano jóbairitiomi. Omoi jitaiga raa oñédiomi, Juzíñamuimo jicáñena jira. 3Afémiemo omoi jicáadi llíñoñediomi, iaire jica ícoinia. Mei jii áfena óiacadiomi fia omoi caimare íacanafuiaimo dotállena. 4Jiáífodo fiénidimacidiomi. Bíníemo ite Juzíñamuina éoidimacimo nabáiriacadino Juzíñamui fairíconina jáite. ¿Omoi meita bífuenta onóñediomi? Níimie éoidimacimo nabaina maméidimie Juzíñamui fairícomana dóbaicaide. 5Cuegáuai taíno

lloñede. Aféuai daide: “Juzíñamui ie Ñuera Joreño caimo fecade cai diga íllena. Afe Joreño uríoina izói caina izíruiete,” daide. <sup>6</sup>Mei íadi Juzíñamui caina ríiduafuedo baimo caina cánuaibite. Mei jii Cuegáuai daide: “Juzíñamui afe abi ínotinona rairuide; mei íadi comécina mánaidimacina íaioina ríiduafuedo íaioina cánuaibite.” <sup>7</sup>Juzíñamui anamo mai omoi itábicaíri. Taifemo omoi mameri, íemona ómoímona oni bótaíteza. <sup>8</sup>Mai Juzíñamuimo áinozillano caimare omoi úriri; afe ibana afémie ómoímo caimare úrite. Íáífueredíno, mai omoi comeci íáífuiái doíri. Juzíñamuina izíruiacadíno íemo dáanomo íena éoidimacina izíruietino, mai omoi comeci íáínitari. <sup>9</sup>Omoi zúurefícaíri; omoi cáíllicaiilli eeri. Omoi zadáilla jeme; jíáífodo meídocaíri. Afe izói omoi cáímafue zúucaíllano méidori. <sup>10</sup>Cai Ocuíraíma Jesucristo uíécomo omoi manánari, íemona afémie ómoína caífo naídáneíteza.

### Cai ama finócafue fieni jicánuafue

<sup>11</sup>Amatíai, jíáímana fieni omoi úríñeno iri. Amana fieni úritímie daje izói ocuífafuemo fieni úrite. Afe izói ámana fieni jícanótímie, daíí ocuífafuemo fieni fairíote. Mei jira ocuífafuemo fieni o fairíoadí, jira ocuífafuena íere cacáñedímiedio. Jae jícanoraímana íítio. <sup>12</sup>Mei íadi daade ocuífafue llotímie; afe llezica afémie Jícanoítímie. Dama afémie cai jíllotaraíma, jíáíe izói afémie cai táinocaitaraíma. Mei, o, ¿nímiedio jíáímamo itífuíai o jícanodoíllena?

### Uíreitírui mona monáíllirui onónide

<sup>13</sup>Mai bíemo omoi cacai, omoi úrilla uaina daidíno. Bie izói daíífiredíomoi: “Birui nibai uire jítiramo jíáíe jófuemo jíáíticai. Dinomo daa fimona fecárizaiticai, úcube cai óllena,” daidíomoi. <sup>14</sup>Mei íadi due onóñedíomoi uire jíti caimo íítífuenta. Mei jii ¿mínica mei cai cáatatínona? Cai cáatatíno daallu cíocaízaíbite úíllie izói. Iemona afe úíllie nine táinocaide. <sup>15</sup>Bífue izói omoi daíírede: “Juzíñamui jítaiadi ííticai. Iemona aféfuena nibai jíáífuena fínoíticai.” <sup>16</sup>Mei íadi afe ibana, o dáínana meídoiacañeno nai abi ínocana úritíomoi. Nana afe abi ínuafue fiénide. <sup>17</sup>Ñúefuena fínuana onódimie afefue fínóñenia afémie fiénidífuemo báíide.

### Ráaredimaci llétafue

**5** <sup>1</sup>ÍRáaredimaci, bífuemo omoi cácarei! Cáíllicaiilli eeri, aillo duere fínóbíllífuiái ómoímo ííteza. Aféfuemo duere zéfuitíomoi. <sup>2</sup>Omoi ebírede ráaíe jae rifaide. Omoi ñuera íníoíllai ícuai güiga. <sup>3</sup>Omoi úcube quenírede ráaniai diga jae éezíte. Afe éeíafue fiénidífué ómoímo nítaíte, ie mei bie éeíafue omoi comeci duere fínoíte; irai amena cuarítaoina izói ómoína fínoíte. Afe birui ííraíruiimo omoi ráaíeniai jae ofítatíomoi.

<sup>4</sup>Omoi güíllena óinaruillaído táijitagamací úcube jeruúdiomoi. Afe jeruica úcube ómoimo riire jiáifodo dájecana úrite. Nana nairai illaíma Juzíñamui bie táijitagamací éecana dáinana cacade. <sup>5</sup>Bie éniemo jamánomo ñue ebírede ráaniai ómoimo ífirede. Dani nana omoi comeci jitailla izói ífirediomoí. Fia güillárenamona mero izói farédiomoi. Afe llezica fazílliruimo dúcizaide. <sup>6</sup>Nano fueñe nífuenidímacina titátatiomoi, ie mei afémacina fatíomoi. Afe nífuenidino ómoimo abi zóofetiaioi, mei íadi íaioimo dúecaiñeno fatíomoi.

### Comeci járidoñenafue

<sup>7</sup>Ie jira, ámatiai, cai Ocuíraíma Jesucristo billíruimo comeci járidoñeno omoi iri. Jacáfaimo táijidímie ráifide llizíllaniaina járidoñeno úínote. Ua nano fueñeide uáici mei nai úínoide. Iraie uáici mei afe llizíllaniaina óite. <sup>8</sup>Daje izói omoi járidoñeno. Omoi comeci mame; cai Ocuíraíma billíruí jae ánozideza. <sup>9</sup>Amatai, conímamo rfiriñeno omoi iri, jicánollimacina omoi íneíllena. Mei jii, Juzíñamui dama Jicánoraíma; afémie cai finócafuiái jicánolliruí jae ánozide. <sup>10</sup>Cue ámatiai, uai llórainimo comeci uibíoiri. Íaioi nágaruí ñue illafue caímo ácataíteza. Juzíñamui mámecido íaioi úrillamona iere duere zefuúdiaioi, mei íadi jaca járidoñediaioi. <sup>11</sup>Duere zéfuíllafuemoná zefuí cácañedino caímare itíaioi daiífiredicái. Jáiaigíma Job ie járidoñenafuena cacádiomoi. Afe llezica Juzíñamui íemo írainomó finócafueña onódiomoi. Mei jii, Juzíñamui cai Ocuíraíma caímo dúecaífirede, fiénidífuíai íba are ninomó caímo óñeite.

<sup>12</sup>Cue ámatiai cacai. Jamánomoidí fue llóiticue. Juzíñamui mámecí uafue daiíllena táinomó llíñoñeno iri; afe daií moná mámecí énie mámecí díga táinomó llíñoñeno iri, ñie jiáie raana táinomó llíñuano uafue daiíllena daiíñeno iri. “Jii” o daiíá nie izói íteza. “Teñede” o daiíá íeñeíteza. Afe izói mai omoi úriri Juzíñamui duere omoi fíñoñeílleza.

<sup>13</sup>Omoímona dáamie duere zéfuía afémie dama Juzíñamuimo úriri. Dáamie caímare íadi afémie ñúefue nitada róiri. <sup>14</sup>Dáamie íráreía, gairíraco imácimona eicomínina jírízairi, afémieri Juzíñamuimo íaioi úrillena. Afe llezica afémiemo Juzíñamui mámecido cáiredíjina jóoneítiaioi. <sup>15</sup>Ínuafuedo Juzíñamuimo íaioi úriadi íráredímie jíllóbicaíte, ie mei Moo Juzíñamui íena náidacaitaíte. Íáiredífuíaimo nauí ie baííadi, afe íaífuíai oni dófinamona, ñue nífuenidímiena Juzíñamui íena llíñoite. <sup>16</sup>Ie jira omoi íaífuíai jofo conímamo omoi lloiri. Afena jáanoñeno iri. Afe mei conímamo Juzíñamuimo omoi jicari, íemona ñue omoi jíllóilleza. Fígómie izire Juzíñamuimo úrillafue iere ríinorede. <sup>17</sup>Uai lloraíma Elías jiba cai izóidímie. Juzíñamuimo ie úrillado noci bíñeíllena Juzíñamuimo jícade. Jícamona jae dafimonaámani átuedo éniemo nocina bíñede. <sup>18</sup>Ie mei dáanomó Juzíñamuimo jícamona meine bízaide; áfemona énie naa llízieri zicóde.

<sup>19</sup>Cue ámatiai, ómoimona dámie ua uáimona oni fieni nibéfodo jáiadi, jíaimie íena meine abido atídena ñuera. <sup>20</sup>Bífuena omoi onóilleza. Fiénidimie ie íáirede íómona meine atídime afe fiénidimie joreño tíllanomona jíllotaite. Afe llezica aillo íaifuiái oni dóficaite. Jae nie.